

**Prirodno-matematički fakultet**  
**Društvo matematičara i fizičara Crne Gore**

**OLIMPIJADA ZNANJA 2022**

Rješenja zadataka iz MATEMATIKE

za II razred srednje škole

1. Ispitati da li postoje realni brojevi  $a, b, c$  tako da je

$$2a(c - a) - b(2a + b) + c(2b - c) = 2022.$$

**Rješenje:** Lijeva strane jednačine se može transformisati na sljedeći način:

$$\begin{aligned} L &= 2a(c - a) - b(2a + b) + c(2b - c) = 2ac - 2a^2 - 2ab - b^2 + 2bc - c^2 \\ &= -a^2 - (a^2 + b^2 + c^2 + 2ab - 2ac - 2bc) = -a^2 - (a + b - c)^2. \end{aligned}$$

Očigledno je

$$L \leq 0,$$

pa takvi brojevi ne postoje.  $\square$ .

2. Dokazati da za svako  $x \in \mathbf{R}$  važi

$$\sum_{n=2}^{2022} \frac{1}{x^2 + 2x + n^2} < \frac{3}{4}$$

**Rješenje:** Važi sljedeći niz nejednakosti

$$\begin{aligned} \sum_{n=2}^{2022} \frac{1}{x^2 + 2x + n^2} &= \sum_{n=2}^{2022} \frac{1}{(x+1)^2 - 1 + n^2} \leq \sum_{n=2}^{2022} \frac{1}{-1 + n^2} = \\ &= \frac{1}{2} \sum_{n=2}^{2022} \left( \frac{1}{n-1} - \frac{1}{n+1} \right) = \frac{1}{2} \left( 1 + \frac{1}{2} - \frac{1}{2022} - \frac{1}{2023} \right) < \frac{1}{2} \left( 1 + \frac{1}{2} \right) = \frac{3}{4}, \end{aligned}$$

čime je dokaz gotov.  $\square$

3. Odrediti broj načina da se brojevima 1, 2, 3, 4, 5, 6, 7 popuni sedam praznih polja tako da su sve nejednakosti tačne:

$$\square < \square < \square > \square < \square > \square > \square$$

Na primjer:  $3 < 4 < 7 > 5 < 6 > 2 > 1$ .

**Rješenje:** Primijetimo da 7, kao najveći broj, mora biti na trećoj ili petoj poziciji, u suprotnom je broj 7 manji od nekog broja iz skupa  $\{1, 2, \dots, 6\}$ . Neka je broj 7 na trećoj poziciji. U tom slučaju prve dvije pozicije popunimo sa dva broja iz skupa  $\{1, 2, \dots, 6\}$ , tako da je manji od njih na prvoj poziciji. To možemo uraditi na 15 načina:  $1 < 2$ ,  $1 < 3$ ,  $1 < 4$ ,  $1 < 5$ ,  $1 < 6$ ,  $2 < 3$ ,  $2 < 4$ ,  $2 < 5$ ,  $2 < 6$ ,  $3 < 4$ ,  $3 < 5$ ,  $3 < 6$ ,  $4 < 5$ ,  $4 < 6$ ,  $5 < 6$ . Preostala četiri polja možemo popuniti tako što najveći od preostala četiri broja smjestimo na petu poziciju. Četvrto polje popunimo sa jednim od preostala 3 broja i to možemo da uradimo na 3 načina. Tada, ostaje da se posljednja dva polja popune na jedinstven način sa preostala dva broja i to u opadajućem redoslijedu. Dakle, u slučaju da je broj 7 na trećoj poziciji imamo ukupno  $15 \cdot 3 = 45$  načina. Analognim rezonovanjem, isti rezultat se dobija i u slučaju kada je broj 7 na petoj poziciji. Dakle, ukupan broj načina da se popune prazna polja, pod navedenim uslovima, je 90.  $\square$

4. U trouglu  $ABC$  sa težistem  $T$  važi  $|AT| = |BC|$  i  $\angle CBT = 60^\circ$ . Odrediti  $|CT| : |AT|$ .

**Rješenje:** Označimo sredinu stranice  $BC$  sa  $P$  i neka je  $a$  dužina duži  $BC$ .

Iz uslova zadatka imamo  $|AT| = |BC| = a$ . Kako je  $T$  težište trougla, iz  $|AT| : |PT| = 2 : 1$  slijedi  $|PT| = a/2$ .

Kako je  $P$  sredina stranice  $BC$ , vrijedi  $|CP| = |BP| = a/2$ . Kako je i  $|PT| = a/2$ , zaključujemo da je sredina stranice  $BC$  centar opisane kružnice trougla  $TBC$ , pa je zato taj trougao pravougao.

Nadalje, kako je  $\angle CBT = 60^\circ$ , a ugao  $\angle BTC$  prav, vidimo je je  $\angle TCB = 30^\circ$ . Slijedi da je  $CT$  visina jednakokraničnog trougla sa stranicom dužine  $a$ , pa je

$$|CT| = \frac{a\sqrt{3}}{2}.$$

Odavde je jasno

$$|CT| : |AT| = \frac{\sqrt{3}}{2}. \quad \square$$